

ქსი/2378

სახელმწიფო შესყიდვის შესახებ ხელშეკრულება №



15 მაისი, 2018 წელი.

ქ. ზუგდიდი

ერთი მხრივ, **ზუგდიდის მუნიციპალიტეტის მერია** (შემდგომში, ხელშეკრულების ტექსტში – შემსყიდველი), მისი უფლებამოსილი წარმომადგენლის, ზუგდიდის მუნიციპალიტეტის მერის მოვალეობის შემსრულებლის გია გულორდავას სახით და მეორე მხრივ, **სსიპ „საქართველოს ეროვნული მუზეუმი“** (შემდგომში, ხელშეკრულების ტექსტში – მიმწოდებელი), მისი უფლებამოსილი წარმომადგენლის, დირექტორის მოადგილე ირაკლი დვალაძის, ორივე ერთად წოდებული როგორც – მხარეები, „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მოთხოვნათა გათვალისწინებით, გამარტივებული შესყიდვის საშუალებით, ვდებთ ამ ხელშეკრულებას (შემდგომში, ხელშეკრულების ტექსტში – ხელშეკრულება) შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ – შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი ორგანიზაცია“ ნიშნავს ორგანიზაციას (დაწესებულებას), რომელიც ახორციელებს შესყიდვას.
- 1.4. „მიმწოდებელი“ ნიშნავს პირს, რომელიც ახორციელებს მომსახურებას, სახელმწიფო შესყიდვის შესახებ მოცემული ხელშეკრულების ფარგლებში.
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. ხელშეკრულების საგანია, ზუგდიდის მუნიციპალიტეტის 2018 წლის ბიუჯეტის სახსრებით, შემსყიდველის მიერ მიმწოდებლისაგან, **ზუგდიდის მუნიციპალიტეტში საქართველოს ეროვნული მუზეუმის საგანმანათლებლო-შემეცნებითი პროექტის – „ფოტო-გამოფენა საგანძურის“ მოწყობის მომსახურების** (შემდგომში, ხელშეკრულების ტექსტში – მომსახურება) შესყიდვა (CPV კოდი: 92500000 - ბიბლიოთეკების, არქივების, მუზეუმებისა და სხვა კულტურული დაწესებულებების მომსახურებები; 92521100 - სამუზეუმო გამოფენების მოწყობა).
- 2.2. მიმწოდებელი ვალდებულია კისრულობს გაუწიოს შემსყიდველს ზემოაღნიშნული მომსახურება თანდართული ხარჯთაღრიცხვისა (დანართი №1) და ხელშეკრულების პირობების შესაბამისად, ხოლო შემსყიდველი ვალდებულია კისრულობს აუნაზღაუროს მიმწოდებელს გაწეული მომსახურების ღირებულება, ხელშეკრულების პირობებში ასახულ ვადებში და ფორმით.

3. ხელშეკრულების ღირებულება

- 3.1. გასაწევი მომსახურების ღირებულება, მომსახურების სრულყოფილად გაწევასთან დაკავშირებული ყველა ხარჯისა და საქართველოს კანონმდებლობით დადგენილი გადასახადების გათვალისწინებით, შეადგენს: **2850 (ორათას ორმოცდაათი) ლარს** (შემდგომში, ხელშეკრულების ტექსტში – ხელშეკრულების ღირებულება).

4. მომსახურების გაწევის პირობები

- 4.1. მიმწოდებელმა მომსახურების გაწევა უნდა უზრუნველყოს 2018 წლის 25 მაისიდან 2018 წლის 8 ივნისამდე.
- 4.2. გასაწევი მომსახურების აღწერილობა და ექსპონატების ჩამონათვალი თანერთვის ხელშეკრულებას და წარმოადგენს მის განუყოფელ ნაწილს.
- 4.3. ფოტოგამოფენის მოწყობის ადგილია: ქ. ზუგდიდი, ზვ. გამსახურდიას გამზ. ქ. №28, ა(ა)იპ ზუგდიდის მუნიციპალიტეტის ხელოვნებისა და კულტურის ცენტრი „ოდიშის“ საგამოფენო დარბაზი „არტ-გალერეა“

5. მიღება-ჩაბარების წესი

- 5.1. მიმწოდებლის მიერ გაწეული მომსახურება ჩათვლება მიღებულად მხოლოდ მიღება-ჩაბარების აქტის გაფორმების შემდეგ.

5.2. ხელშეკრულებით გათვალისწინებული მომსახურების მიღებას ახორციელებენ შემსყიდველისა და მიმწოდებლის მიერ საამისოდ უფლებამოსილი წარმომადგენლები, რომლებიც გაწეული მომსახურების მიღების შედეგების მიხედვით აფორმებენ მიღება-ჩაბარების აქტს.

6. ანგარიშსწორების ფორმა და წესი

6.1. ანგარიშსწორება განხორციელდება უნაღდო ანგარიშსწორების წესით, თანხის გადარიცხვის ფორმით, ეროვნულ ვალუტაში – ლარში.

6.2. ანგარიშსწორება იწარმოებს მიღება-ჩაბარების აქტის საფუძველზე.

6.3. ანგარიშსწორება განხორციელდება მიღება-ჩაბარების აქტის ხელმოწერიდან 10 (ათი) სამუშაო დღის განმავლობაში.

7. მხარეთა უფლება-მოვალეობანი

7.1. შემსყიდველი ვალდებულია:

7.1.1. უზრუნველყოს გაწეული მომსახურების მიღება და შესაბამისი ანაზღაურების გადახდა მიმწოდებლისათვის, წინამდებარე ხელშეკრულების პირობათა სრული დაცვით.

7.2. შემსყიდველი უფლებამოსილია:

7.2.1. მიმწოდებლისაგან მოითხოვოს მომსახურების გაწევა, ხელშეკრულებით დადგენილი პირობებითა და განსაზღვრულ ვადაში.

7.2.2. მომსახურების ან მისი ნაწილის დასრულების შემდგომ, განახორციელოს მიმწოდებლის მიერ გაწეული მომსახურების შემოწმება, გაწეული მომსახურების ხელშეკრულების პირობებთან შესაბამისობის დადგენის მიზნით.

7.2.3. მიმწოდებლის მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება.

7.3. მიმწოდებელი ვალდებულია:

7.3.1. ხელშეკრულებით დადგენილ ვადაში, ხელშეკრულებით დადგენილი პირობებით გასწიოს მაღალკვალიფიციური მომსახურება.

7.3.2. შეასრულოს მომსახურება ჯეროვნად და კეთილსინდისიერად, სრული მოცულობით ამ ხელშეკრულებით გათვალისწინებულ ვადაში.

7.3.3. საკუთარი ხარჯებით უზრუნველყოს შემსყიდველის მიერ გამოვლენილი ყველა ნაკლისა და დეფექტის აღმოფხვრა, რომელიც გამოწვეულია გაწეული მომსახურებიდან.

7.3.4. დაუყოვნებლივ აცნობოს შემსყიდველს იმ მოსალოდნელ მოვლენებთან და გარემოებებთან დაკავშირებით, რომლებმაც შეიძლება უარყოფითად იმოქმედონ მომსახურების გაწევაზე.

7.3.5. დაუყოვნებლივ აცნობოს შემსყიდველს ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ.

7.4. მიმწოდებელი უფლებამოსილია:

7.4.1. შემსყიდველისაგან მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

8. უფლებების გადაცემა

8.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

9. ხელშეკრულების პირობების გადასინჯვის შესაძლებლობა

9.1. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე (ათი პროცენტი) მეტი ოდენობით გაზრდა.

10. ხელშეკრულებაში ცვლილებების შეტანა

10.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე

მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

- 10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩათვლება ხელშეკრულების განუყოფელ ნაწილად.

11. შეტყობინება

- 11.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის, ფაქსის ან ელექტრონული სახით, ორიგინალის შემდგომი წარმოდგენით, მეორე მხარის ხელშეკრულებაში მითითებულ მისამართზე.
- 11.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

12. ხელშეკრულების შესრულების შეფერხება

- 12.1. ხელშეკრულების შესრულების პროცესში, მხარეთა წინაშე წარმოშობილი დაბრკოლების გამო, ნაკისრი ვალდებულებების ვერ ან არაჯეროვნად შესრულების საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. ხოლო შეტყობინების მიმღები მხარე კი ასევე, დაუყოვნებლივ აცნობებს თავის გადაწყვეტილებას, აღნიშნულ გარემოებებთან დაკავშირებით.
- 12.2. იმ შემთხვევაში, თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. ხელშეკრულების პირობების შეუსრულებლობა (პასუხისმგებლობა)

- 13.1. ფორს-მაჟორული პირობების გარდა, მიმწოდებლის მიერ ხელშეკრულებით ნაკისრი ვალდებულებების შეუსრულებლობა ან/და დაგვიანებით შესრულება გამოიწვევს მის პასუხისმგებლობას, საქართველოს მოქმედი კანონმდებლობითა და წინამდებარე ხელშეკრულებით გათვალისწინებული წესით.
- 13.2. მომსახურების გაწევის ვადების დარღვევის შემთხვევაში, თუ სხვა ვადებს მხარეები არ შეთანხმებენ წერილობით, ყოველი დაგვიანებული დღისათვის მიმწოდებელს ეკისრება პირგასამტეხლო, შეუსრულებელი ვალდებულების შესაბამისი ღირებულების 0,02%-ის ოდენობით.
- 13.3. მიმწოდებლის მიერ მომსახურების შესრულების ვადების 5 (ხუთი) კალენდარულ დღეზე მეტი დღით გადაცდენის (თუ სხვა ვადებს მხარეები არ შეთანხმებენ წერილობით) ან ნაწილობრივ შესრულების შემთხვევაში შემსყიდველი უფლებამოსილია შეწყვიტოს ხელშეკრულება და დააჯარიმოს მიმწოდებელი შესასრულებელი (დარჩენილი) ვალდებულების შესაბამისი თანხის 10%-ის ოდენობით.
- 13.4. ხარვეზით გაწეული მომსახურების შემთხვევაში, მიმწოდებელი ვალდებულია ნაკლოვანების აღმოჩენიდან, სამისოდ აუცილებელ გონივრულ ვადაში, მიიღოს საჭირო ზომები ხარვეზის გამოსასწორებლად, ხოლო აღნიშნულის შეუსრულებლობის შემთხვევაში, შემსყიდველი უფლებამოსილია არ გადაუხადოს მიმწოდებელს ხელშეკრულების ღირებულება და მოითხოვოს, ხოლო მიმწოდებელი ვალდებულია გადაუხადოს შემსყიდველს ჯარიმა, შესასრულებელი (დარჩენილი) ვალდებულების შესაბამისი თანხის 10%-ის ოდენობით.
- 13.5. მიმწოდებლის მიერ ხელშეკრულებით გათვალისწინებული პირობების შეუსრულებლობის შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება და მოითხოვოს მიმწოდებელს საჯარიმო თანხის გადახდა, ხელშეკრულების საერთო ღირებულების 20%-ის ოდენობით.
- 13.6. საჯარიმო სანქციების გადახდა უნდა მოხდეს შემსყიდველის წერილობითი მოთხოვნის მიღებიდან 10 (ათი) სამუშაო დღის განმავლობაში.
- 13.7. წინამდებარე ხელშეკრულების მოცემული პუნქტებით გათვალისწინებული პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისგან.
- 13.8. პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

14. ხელშეკრულების მოქმედების შეწყვეტა

- 14.1. შემსყიდველი უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
- 14.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს მომსახურება ან მისი ნაწილი;
- 14.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;
- 14.1.3. თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 14.1.4. მიმწოდებლის გადახდისუნარიანობის ან გაკოტრების შემთხვევაში;
- 14.1.5. მიმწოდებლის მიერ მომსახურების შესრულების ვადების 5 (ხუთი) კალენდარულ დღეზე მეტი დღით გადაცდენის შემთხვევაში;
- 14.1.6. საქართველოს კანონმდებლობით გათვალისწინებულ სხვა შემთხვევებში.

- 14.2. ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 10 (ათი) დღით ადრე მაინც, ამასთან უნდა მიეთითოს მიღებული გადაწყვეტილების საფუძველი და მისი ამოქმედების თარიღი.
- 14.3. ხელშეკრულების ცალკეული პირობების მოქმედების შეწყვეტა, არ ათავისუფლებს მიმწოდებელს დანარჩენი ვალდებულებების შესრულებისგან.
- 14.4. ამ მუხლის 14.1. პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.
15. ფორს-მაჟორი
- 15.1. ხელშეკრულების დამდები, რომელიმე მხარის მიერ ხელშეკრულების პირობების შეუსრულებლობა ან დარღვევა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან ან/და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და ტვირთის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 15.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 15.4. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.
- 15.5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.
- 15.6. ფორს-მაჟორული გარემოებების არსებობის პირობებში, ხელშეკრულების შესრულების ვადა გადაიწევის შესაბამისი დროით, თუ მხარეთა შორის არ იქნა მიღწეული სხვაგვარი შეთანხმება.
- 15.7. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
16. დავების გადაწყვეტის წესი
- 16.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნეს ორივე მხარის ერთობლივი მოლაპარაკების საფუძველზე.
- 16.2. შეთანხმების მიუღწევლობის შემთხვევაში მხარეები მიმართვენ სასამართლოს, საქართველოს კანონმდებლობის შესაბამისად.
17. ხელშეკრულების ინსპექტირების პირობები
- 17.1. ხელშეკრულების კონტროლის, გასაწევი ან გაწეული მომსახურების მოცულობისა და მიწოდების ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელებისა და მიღება-ჩაბარების აქტ(ებ)ის გაფორმებისა და ხელშეკრულების პირობების შესაბამისად მიმწოდებელთან ანგარიშსწორების პროცესის რეგულირების საკითხებში მიმწოდებელთან ითანამშრომლებს შემსყიდველის მიერ ამისათვის გამოყოფილი ინსპექტირების ჯგუფი, შემდეგი შემადგენლობით: ლაშა ჯიქია – ზუგდიდის მუნიციპალიტეტის მერიის განათლების, ძველთა დაცვის, კულტურის, სპორტისა და ახალგაზრდულ საქმეთა სამსახურის, მეორადი სტრუქტურული ერთეულის ძველთა დაცვის განყოფილების ხელმძღვანელი; თამილა თორდია – ზუგდიდის მუნიციპალიტეტის მერიის განათლების, ძველთა დაცვის, კულტურის, სპორტისა და ახალგაზრდულ საქმეთა სამსახურის, III რანგის პირველი კატეგორიის ძველთა დაცვის განყოფილების უფროსი სპეციალისტი; თამარ ყალიჩავა – ზუგდიდის მუნიციპალიტეტის მერიის განათლების, ძველთა დაცვის, კულტურის, სპორტისა და ახალგაზრდულ საქმეთა სამსახურის, III რანგის მეორე კატეგორიის ძველთა დაცვის განყოფილების უფროსი სპეციალისტი.
- 17.2. ინსპექტირების ჯგუფი, უფლებამოსილი არიან შეამოწმონ გაწეული მომსახურება ან მისი ნაწილი, რათა განსაზღვრონ მათი შესაბამისობა ხელშეკრულების მოთხოვნებთან.
- 17.3. მიმწოდებელი ვალდებულია საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

17.4.იმ შემთხვევაში, თუ ინსპექტირებისას გამოვლინდა წუნი ან/და ხარვეზი, მიმწოდებელი ვალდებულია, საკუთარი ხარჯებით, უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.


18. დასკვნითი დებულებანი

- 18.1.საკითხები, რომლებიც არ არის რეგულირებული წინამდებარე ხელშეკრულებით, წყდება საქართველოს მოქმედი კანონმდებლობის საფუძველზე.
 - 18.2.ხელშეკრულების დებულებებში ცვლილებების ან/და დამატებების შეტანა შესაძლებელია მხოლოდ მხარეთა შორის ურთიერთშეთანხმების საფუძველზე, წერილობითი გაფორმების შედეგად.
 - 18.3.ხელშეკრულების ერთ-ერთი მხარის მიერ, ხელშეკრულებით გათვალისწინებული რომელიმე უფლების გამოუყენებლობა არ წარმოადგენს ამ უფლებაზე უარის თქმას.
 - 18.4.ამ ხელშეკრულების რომელიმე პუნქტის (ან მისი ნაწილის) გაუქმება არ იწვევს დანარჩენი პუნქტების გაუქმებას.
 - 18.5.მხარეთა შორის ნებისმიერი შეტყობინება საჭიროებს წერილობით ფორმას. მხარეთა შორის ზეპირი შეტყობინებები ან/და შეთანხმებები სადაოობის, ურწმუნოების ან უზუსტობების შემთხვევაში იურიდიული ძალის არმქონეა.
 - 18.6.მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას, დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.
 - 18.7.ხელშეკრულება ძალაში შედის მხარეების მიერ მისი ხელმოწერის დღიდან და მოქმედებს 2018 წლის 8 აგვისტოდან. თუ, ამ თარიღისათვის არ არის შესრულებული რომელიმე ვალდებულება ხელშეკრულება ავტომატურად გაგრძელდება მხარეთა მიერ ნაკისრი ვალდებულებების სრულად და ჯეროვნად შესრულების მომენტამდე.
 - 18.8.წინამდებარე ხელშეკრულება შედგენილია ქართულ ენაზე, სამი თანაბარუფლებიანი ძალის მქონე ეგზემპლარად და ინახება მხარეებთან (ორი ეგზემპლარი შემსყიდველთან, ხოლო ერთი პირი მიმწოდებელთან).
19. მხარეთა მისამართები, საბანკო რეკვიზიტები და ხელმოწერები

შემსყიდველი

ზუგდიდის მუნიციპალიტეტის მერია
იურიდიული და ფაქტიური მისამართი:
ქ. ზუგდიდი, რუსთაველის ქ. №90
საიდენტიფიკაციო კოდი: 220418956
საბანკო რეკვიზიტები:
მიმღები ბანკი - სახელმწიფო ხაზინა
ბანკის კოდი: TRESGE22
ანგარიშის ნომერი:GE24NB0330100200165022

ზუგდიდის მუნიციპალიტეტის მერიის
მოვალეობის შემსრულებელი:


/გ. გულორდავა/


მიმწოდებელი

სსიპ საქართველოს ეროვნული მუზეუმი
იურიდიული და ფაქტიური მისამართი:
თბილისი, რუსთაველის გამზირი №3
საიდენტიფიკაციო კოდი: 204468664
მიმღები ბანკი - სახელმწიფო ხაზინა
მიმღების დასახელება: ხაზინის ერთიანი ანგარიში
კოდი: TRESGE22
მიმღების ანგარიში/სახაზინო კოდი: 7 0846 7499

სსიპ საქართველოს ეროვნული მუზეუმის
გენერალური დირექტორის მოადგილე


/ი. ჯვალაძე/


ხარჯთაღრიცხვა

№	შესყიდვის ობიექტის დასახელება	მომსახურების აღწერილობა	სახელმწიფოებრივ დირექტორატს (ლარი)
1	საქართველოს ეროვნული მუზეუმის საგანმანათლებლო-შემეცნებითი პროექტის – „ფოტო-გამოფენა საგანმანათლებლო მოწყობის მომსახურება“	ფოტომასაღიწი ტრანსპორტირება/რეტრანსპორტირება; ექსპოზიციის აწყობა/დაშლა; პროექტის პრეზენტაცია ღონისძიების გახსნის დღეს; საექსპოზიციო მომსახურება ინდივიდუალური და ჯგუფური ვიზიტორებისათვის; შემეცნებით-საგანმანათლებლო პროგრამების წარდგენა; ვიზიტორთა კოორდინირება, პროექტის მასალების მეთვალყურეობა, ფოტოფიქსაცია/მონიტორინგი; ელექტრონული სახით ექსპონატების საინფორმაციო, აღწერითი, ილუსტრირებული მასალების მიწოდება; პროექტის მენეჯმენტი და ტექნიკური ადმინისტრირება: პროექტის ხელმძღვანელი; გიდი-პედაგოგი; მძღოლი; ორი ტექნიკური პერსონალი; ადგილობრივი კოორდინატორი	2850

შემსყიდველი

ზუგდიდის მუნიციპალიტეტის მერია
იურიდიული და ფაქტიური მისამართი:
ქ. ზუგდიდი, რუსთაველის ქ. №90
საიდენტიფიკაციო კოდი: **220418956**
საბანკო რეკვიზიტები:
მიმღები ბანკი - სახელმწიფო ხაზინა
ბანკის კოდი: TRESGE22
ანგარიშის ნომერი: GE24NB0330100200165022

ზუგდიდის მუნიციპალიტეტის მერის
მოვალეობის შემსრულებელი:



მიმწოდებელი

სსიპ საქართველოს ეროვნული მუზეუმი
იურიდიული და ფაქტიური მისამართი:
თბილისი, რუსთაველის გამზირი №3
საიდენტიფიკაციო კოდი: **204468664**
მიმღები ბანკი - სახელმწიფო ხაზინა
მიმღების დასახელება: ხაზინის ერთიანი ანგარიში
კოდი: TRESGE22
მიმღების ანგარიში/სახაზინო კოდი: 7 0846 7499

სსიპ საქართველოს ეროვნული მუზეუმის
გენერალური დირექტორის მოადგილე



2

პროექტის ტექნიკური აღწერილობა და პრაქტიკული ინფორმაცია

- 1) ქართული ქრისტიანული ხელოვნების ნიმუშების ნატურალური ზომების დაცვით შესრულებული ფოტო-ვერსიები;
- 2) თითოეული ფოტო-ექსპონანტს აქვს ინდივიდუალური, მოლბერტის ფორმის ხის სადგამი;
- 3) ფოტოები წარმოდგენილია საინფორმაციო-განმარტებითი წარწერებით;
- 4) ფოტოგამოფენას ახლავს საინფორმაციო-საპრეზენტაციო ბანერი;
- 5) ფოტომასალა ტრანსპორტირდება სპეციალური შეფუთვითა და 2 ცალი ყუთით, ყუთების ზომა 200X150X40; 100X80X40);
- 6) ექსპოზიცია განთავსდება არანაკლებ 50 მ/კვ სივრცეში - დაცული, განათებული, თემატურად შესაბამისი ადგილი - ზუგდიდის სამხატვრო არტ-გალერეის საგამოფენო დარბაზში.
- 7) საგამოფენო მასალების ტრანსპორტირება და განთავსება ხორციელდება ღონისძიების დღეს ან წინა დღეს, წინასწარი შეთანხმებით.
- 8) ექსპოზიციის მოწყობისთვის საჭირო დრო - 2 საათი.

ექსპონატების ჩამონათვალი

- 1) მაცხოვრის ხატი ანჩიდან - ანჩისხატი;
- 2) თამარ მეფის გულსაკიდი ჯვარი;
- 3) ბედიის ბარძიმი;
- 4) მარტვილის გულსაკიდი ორი ჯვარი;
- 5) ტონდო გელათიდან;
- 6) მაცხოვრის ხატი კაცხიდან;
- 7) მაცხოვრის ხატი გელათიდან;
- 8) ტრიპტიქონი ნიკორწმინდიდან (სპილოსძვალი);
- 9) ღვთისმშობლის ხატი მარტვილიდან (12 დღესასწაული);
- 10) საკურთხეველის წინ აღსამართავი ჯვარი გორიჯვარიდან;
- 11) ღვთისმშობლის ხატი ზარზმიდან (ლაკლაკიძეების ღვთისმშობელი);
- 12) ტიხრული მინანქრის ტექნიკით შესრულებული წმინდა გიორგის ორი ხატი;
- 13) მღვიმევიდან ვედრების კომპოზიცია 3 ხატი: ღვთისმშობელი, იონა ნათლისმცემელი, მაცხოვარი;
- 14) ტიხრული მინანქრის ტექნიკით შესრულებული ფირფიტები: სულიწმინდის მოფენა, ლაზარეს აღდგენება, მირქმა;
- 15) ღვთისმშობლის ხატი წილკნიდან;
- 16) ღვთისმშობლის ხატი ვარძიდან;
- 17) წმინდა სვიმეონის ხატი ლაილაშიდან;
- 18) საწინამძღვრო ჯვარი ბრეთიდან;
- 19) მაცხოვრის ხატი ცაგერიდან;
- 20) ხახულის ღვთისმშობლის კარედი ხატი;
- 21) ფერისცვალების ხატი ზარზმიდან;
- 22) წმინდა გიორგის ხატი ზოჭორმიდან;
- 23) დავით აღმაშენებლის საპროცესიო ჯვარი;
- 24) ღვთისმშობლის ხატი მარტვილიდან;
- 25) საპატრიარქო მიტრა ალავერდიდან; საწინამძღვრო ჯვარი იშხანიდან;
- 26) ღვთისმშობლის ხატი ხობიდან;
- 27) ღვთისმშობლის ხატი ახალი შუამთიდან.

მ ი მ წ ო დ ე ბ ე ლ ი

სსიპ საქართველოს ეროვნული მუზეუმის
გენერალური დირექტორის მოადგილე



ინტერესთა კონფლიქტის თავიდან აცილების შესახებ


ხელწერილი

15 მაისი, 2018 წელი

ქ. ზუგდიდი (რუსთაველის ქ. №90)

ჩვენ, ქვემოთ ხელისმომწერნი, ვადასტურებთ, რომ ზუგდიდის მუნიციპალიტეტის მერიის მიერ, მუნიციპალიტეტში საქართველოს ეროვნული მუზეუმის საგანმანათლებლო-შემეცნებითი პროექტის – „ფოტო-გამოფენა საგანძურის“ მოწყობის მომსახურების სახელმწიფო შესყიდვის განხორციელებასთან დაკავშირებულ საქმიანობაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლით გათვალისწინებულ მოთხოვნებს და შესყიდვის პროცედურაში მონაწილე მიმწოდებლის – სსიპ „საქართველოს ეროვნული მუზეუმის“ მიმართ არ ვიმყოფებით ინტერესთა კონფლიქტში.

1. ზუგდიდის მუნიციპალიტეტის მერიის მოვალეობის შემსრულებელი:




გია გულორდავა;

2. ზუგდიდის მუნიციპალიტეტის მერიის II რანგის მეორადი სტრუქტურული ერთეულის განათლების, ძეგლთა დაცვის, კულტურის, სპორტისა და ახალგაზრდულ საქმეთა სამსახურის ძეგლთა დაცვის განყოფილების უფროსი:




ლაშა ჯიჯია;

3. ზუგდიდის მუნიციპალიტეტის მერიის III რანგის I კატეგორიის განათლების, ძეგლთა დაცვის, კულტურის, სპორტისა და ახალგაზრდულ საქმეთა სამსახურის ძეგლთა დაცვის განყოფილების უფროსი სპეციალისტი:



თამილა თორდია;

4. ზუგდიდის მუნიციპალიტეტის მერიის III რანგის II კატეგორიის განათლების, ძეგლთა დაცვის, კულტურის, სპორტისა და ახალგაზრდულ საქმეთა სამსახურის ძეგლთა დაცვის განყოფილების უფროსი სპეციალისტი:



თამარ ყალიჩავა;